

Xususiy lashtirish sohasidagi ishlar natijadorligi ko'rib chiqildi



Prezident Shavkat Mirziyoyev raisligida 1-iyul kuni davlat aktivlarini xususiy lashtirish sohasidagi ishlar natijadorligi va kelgusidagi ustuvor vazifalar muhokamasi yuzasidan videoselektor yig'ilishi o'tkazildi.

Xususiy lashtirish - muhim iqtisodiy tadbirlardan biri. Bu nafaqat byudjetga tushumni ta'minlaydi, balki yangi investitsiya loyihalari, ish o'rnlari va qo'shilgan qiymat uchun poydevor bo'lib xizmat qiladi. Chunki tadbirkorlik rivoji uchun eng zarur sharoit, avvalo, yer, bino va infratuzilmadir.

Shu bois xususiy lashtirish masalasi iqtisodiy islohotlarning asosiy yo'nalishlaridan biri etib belgilangan. Joriy va kelgusi yilda davlat ulushi bo'lgan korxonalar sonini kamida 3 barobar qisqartirish bo'yicha ish olib borilmoqda. Bu islohotlar dunyodagi nufuzli ekspertlar va ommaviy axborot vositalari tomonidan ham e'tirof etilmoqda.

2020-yil 27-oktabrda O'zbekiston Respublikasi Prezidentining "Davlat ishtirokidagi korxonalarni isloh qilishni jadallashtirish hamda davlat aktivlarini xususiy lashtirishga oid chora-tadbirlar to'g'risida"gi farmoni qabul qilingan edi. Bu boradagi ishlar o'z samarasini berib, joriy yilning birinchi yarmida 478 ta davlat mulki 1 trillion 100 milliard so'mga sotildi.

Lekin, bu borada qilinadigan ishlar hali ko'p. Xususan, sotilishi belgilangan 556 ta mulkdan 288 tasi savdolarga chiqarilmagan. Shuningdek, davlat korxonalari va banklar ichtiyorida ularning asosiy faoliyatiga xos bo'limgan 511 ta ob'ekt haligacha sotilmasdan turibdi.

Yig'ilishda xususiy lashtirish jarayonini samarali tashkil etish, auksionda qatnashish tartiblarini soddallashtirish va ishtirokchilar sonini ko'paytirishga qaratilgan vazifalar muhokama qilindi.

Qayd etilganidek, joriy yilda 900 dan ortiq davlat mulki sotuvga qo'yiladi. Endi davlat mulklarini "1 so'm" qiymatda savdoga chiqarish, yer uchastkalarini investitsiya majburiyati bilan sotish amaliyoti bekor qilinadi va ular bozor bahosida elektron savdolarga chiqariladi.

Bundan tashqari, onlayn auksionda qatnashish uchun to'lovlar bekor qilinadi va tadbirkorlarga elektron ro'yxatdan o'tish xarajatlari Davlat aktivlarini boshqarish agentligi tomonidan qoplab beriladi. Auksionda mulkni sotib olganda, to'lov muddati hozirgi 5 kundan 15 kungacha uzaytiriladi.

Bundan buyon, davlat ulushi 50 foizdan yuqori bo'lgan tashkilotlarning bino-inshootlari, transport vositalarini sotish va ijara berishni faqat elektron auksion orqali amalga oshirish tartibi joriy etiladi.

Mutasaddilarga ushbu yangi tartiblarni nazarda tutuvchi qaror loyihasi ishlab chiqish topshirildi.

Toshkent shahridagi 13 ta yirik ko'chmas ob'ekti hamda 11 ta tarmoq korxonalaridagi davlat ulushlarini xorijiy konsultantlarni jalb qilgan holda, sotuvga chiqarish zarurligi ta'kidlandi.


Viloyat, tuman va shahar hokimlariga o'z vakolatidagi 154 ta bo'sh turgan ob'ektni bir oy muddatda savdoga chiqarish vazifasi qo'yildi.

Hokimliklar tomonidan sotuvga chiqarilgan mulklar sotilganda, hududlar ixtiyorida qoladigan mablag'lar ulushi 73 foizdan 87 foizga oshiriladigan bo'ldi. Bu mablag'lar viloyat va tumanlar (shahar) byudjetlari o'rtasida teng taqsimlanadi.

Davlat aktivlarini boshqarish agentligiga davlat korxonalari hamda banklarning asosiy faoliyatga xos bo'limgan va bo'sh turgan ob'ektlarni to'liq qaytadan xatlovdan o'tkazib, ularni xususiy lashtirishga tayyorlash bo'yicha topshiriq berildi.

Faoliyat yuritmayotgan yoki zarar ko'rib ishlayotgan korxonalarni moliyaviy sog'lomlashtirish va modernizatsiya qilish bo'yicha takliflar muhokama qilindi.







Manba

UZBEKISTAN PRESIDENTIAL PRESS SERVICE
MATBUOT XIZMATI